

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНинг
ҚАРОРИ



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

.. 5 .. март 2018 й. т. № 171

Тошкент ш. – г. Ташкент

**Термиз давлат университетининг Денов филиалини
ташкил этиш тўғрисида**

Сурхондарё вилоятини ижтимоий-иктисодий ривожлантириш, худуднинг ўзига хос хусусиятларидан келиб чиқсан ҳолда ижтимоий, маданий ва бошқа соҳаларда тараққиётга эришиш борасида бир қатор ишлар амалга ошириб келинмоқда. Бироқ шунга қарамасдан, марказдан узоқда жойлашган ва бориш қийин бўлган жойларда бу борада ҳали ўз ечимини кутаётган масалалар мавжуд.

Жумладан, жойларда умумий ўрта ва мактабгача таълим тизимини тубдан такомиллаштириш, болаларни мактабга тайёрлаш даражасини ошириш, таълим ва тарбия жараёнига замонавий таълим дастурларини татбиқ этиш, ёшлиарнинг интеллектуал, ахлоқий, эстетик ва жисмоний қобилияtlарини ривожлантириш бўйича замонавий талаблардан келиб чикувчи вазифаларни улдалай оладиган малакали педагог кадрларга эҳтиёж катта.

Хусусан, Сурхондарё вилоятининг Денов тумани ва унинг атрофидаги Шўрчи, Олтинсой, Сариосиё, Узун ва Кумкўрғон туманларида 132 та мактабгача таълим муассасаларида 1200 нафардан зиёд тарбиячи, 424 та умумий ўрта таълим мактабларида 5177 нафар ўрта маҳсус маълумотли ўқитувчи фаолият кўрсатмоқда. Бугунги кунда мактабгача таълим муассасалари учун 266 нафар, умумий ўрта таълим мактаблари учун 352 нафар олий маълумотли мутахassisларга эҳтиёж сезилмоқда.

Худуддаги таълим муассасаларининг биринчи навбатда мактабгача таълим, бошлангич таълим, математика, информатика ва рус тили фанларидан педагогларга бўлган эҳтиёжларини қондириш, қишлоқ жойлардаги таълим муассасаларини юкори малакали педагог кадрлар билан таъминлаш ҳамда жаҳон тажрибасини ҳисобга олган ҳолда, халқаро стандартлар даражасига мос олий маълумотли педагог кадрлар тайёрлаш тизимини жойларда ташкил этишни янада такомиллаштириш мақсадида Вазирлар Маҳкамаси қарор қиласди:

1. Ўзбекистон Республикаси Олий ва ўрта маҳсус таълим вазирлиги, Иқтисодиёт вазирлиги, Молия вазирлиги ва Сурхондарё вилояти ҳокимлигининг Сурхондарё вилояти Денов туманида Термиз давлат университетининг Денов филиалини (кейинги ўринларда Филиал деб аталади) ташкил этиш тўғрисидаги таклифига розилик берилсин.

2. Қуйидагилар Филиалнинг асосий вазифалари этиб белгилансин:

таълим муассасалари учун юқори малакали педагог кадрларни миллий ва халқаро стандартлар даражасида сифатли тайёрлашни таъминлаш;

педагогик таълим соҳасини ривожлантиришнинг илмий-методик вазифаларини ҳал этиш, илғор хорижий педагогик технологияларни жорий қилишга йўналтирилган илмий тадқиқотларни олиб бориш ва иқтидорли талаба-ёшларни илмий фаолият билан шуғулланишга кенг жалб этиш;

таълим муассасалари талаб-эҳтиёжларини ҳисобга олган ҳолда, тегишли таълим йўналишлари ҳамда мутахассисликлар бўйича ўкув-услубий адабиётларни яратиш;

ўкув ва илмий лойиҳаларни амалга ошириш, таълим ва илмий изланишлар жараёнига мутахассисларни кенг жалб этиш мақсадида педагогика соҳасидаги етакчи республика ва хорижий олий таълим муассасалари ҳамда илмий марказлари билан ҳамкорлик алоқаларини ривожлантириш;

республика ва хорижий олий таълим муассасалари ва илмий марказларига истиқболли ёш битирувчиларни магистратура ва докторантурага мунтазам юбориши орқали Филиал илмий-педагогик салоҳиятини ошириб бориш.

3. Ўзбекистон Республикаси Олий ва ўрта маҳсус таълим вазирлиги, Халқ таълими вазирлиги, Мактабгача таълим вазирлиги, Иқтисодиёт вазирлиги, Молия вазирлиги ва Ўзбекистон Республикаси Вазирлар Маҳкамаси ҳузуридаги Давлат тест марказининг Ўзбекистон Республикаси Президентининг “2017/2018 ўкув йилида Ўзбекистон Республикасининг олий таълим муассасаларига қабул тўғрисида” 2017 йил 5 майдаги ПҚ-2955-сон қарори талабларига мувофик Сурхондарё вилоятидаги таълим муассасалари эҳтиёжларини инобатга олган ҳолда, Филиалнинг 2017/2018 ўкув йили учун талabalар контингентини Сурхондарё вилоятида доимий яшаётган (доимий прописка қилинган) Термиз давлат университети ва бошқа турдош олий таълим муассасаларига ҳужжат топшириб, мазкур олий таълим муассасаларига тўплаган баллари энг юқори баллнинг 30% дан (68,0 баллдан) кам бўлмаган, Филиал учун тўлов контракт асосида мос таълим йўналишлари абитуриентлари ҳисобидан шакллантириш тўғрисидаги таклифига розилик берилсин.

Ўзбекистон Республикаси Вазирлар Маҳкамаси ҳузуридаги Давлат тест маркази баллар кетма-кетлигига риоя этган ҳолда тегишли таълим йўналишлари кесимидағи тест натижалари қайдномаларини чоп этсин ва белгиланган тартибда расмийлаштириш учун Филиалга етказсин.

2018/2019 ўкув йилидан бошлаб, Филиалга талabalарни қабул қилиш сони белгиланган тартибда ҳар йили тасдиқланадиган республика олий таълим муассасаларига ўқишига қабул қилиш квоталаридан келиб чиққан ҳолда белгилансин.

4. Ўзбекистон Миллий телерадиокомпанияси Ўзбекистон матбуот ва ахборот агентлиги билан биргаликда Филиалнинг 2017/2018 ўкув йили қабул квоталари ҳамда ўқишига тавсия этиладиганлар тўғрисидаги маълумотларни Сурхондарё вилояти оммавий ахборот воситаларида кенг ёритилишини таъминласин.

5. Термиз давлат университети Денов филиалининг тузилмаси иловага мувофиқ тасдиқлансин.

Белгилансинки, Филиал (факультетлар, кафедралар ва бошқа таркибий бўлинмалар) ходимларининг чекланган умумий сони олий таълим муассасалари учун ўрнатилган нормативларга мувофиқ аниқланади.

Ўзбекистон Республикаси Олий ва ўрта махсус таълим вазирига зарур ҳолларда, Филиалнинг тузилмасига олий таълим муассасаси учун ўрнатилган нормативларга мувофиқ ходимларнинг умумий чекланган сони доирасида ўзгартиришлар киритиш хуқуқи берилсин.

Филиал Термиз давлат университетининг юридик шахс мақомидаги таркибий тузилмаси ҳисобланади.

6. Ўзбекистон Республикаси Олий ва ўрта махсус таълим вазирлиги 2018 йил 10 марта:

Филиалнинг уставини белгиланган тартибда тасдиқласин ва унинг давлат рўйхатидан ўтказилишини таъминласин;

Филиални танлов асосида юқори малакали профессор-ўқитувчилар билан таъминлаш чораларини кўрсинг;

1-курс юкламасини 2018 йилнинг июль ойи якунига қадар бажариш бўйича мослаштирилган махсус ўқув режа ва дастурларни ишлаб чиқсан ва тасдиқласин;

Филиалда ўқув-методик жараёнларнинг ташкил этилишини таъминлаш, штатлар жадвали ва харажатлар сметасини тасдиқлаш, уни ўқув-лаборатория жихозлари ва компьютер техникаси билан таъминлаш бўйича аниқ чоратадбириларни амалга оширгисин;

Филиал ахборот-ресурс марказини таянч олий таълим муассасаси томонидан ўқув, илмий ва бадиий адабиётлар билан тўлдириш чораларини кўрсинг.

2017/2018 ўқув йилида Филиалга талабаликка қабул қилинган абитуриентлар ўқишини битиргандан сўнг Сурхондарё вилоятидаги доимий яшаш жойида ўн йил мобайнида тегишли таълим муассасаларида ишлаб беришлари (аниқ иш жойи кўрсатилган) тўғрисида туман ҳокимлиги, олий таълим муассасаси ва жисмоний шахс (абитуриент) ўртасида белгиланган тартибда уч томонлама шартномалар тузилсин.

7. Сурхондарё вилояти ҳокимлиги ва Ўзбекистон Республикаси Олий ва ўрта махсус таълим вазирлигининг:

Денов тумани, Эркли юрт қўчаси, 360-йда жойлашган Денов хизмат кўрсатиш касб-хунар коллекининг бино ва иншоотларини тегишли худудлари билан бирга Филиалга оператив бошқариш хуқуқи асосида бепул бериш;

Денов хизмат кўрсатиш касб-хунар коллежи тутатилаётган Термиз давлат университети қошидаги Денов 3-сон академик лицейи биносида фаолият кўрсатиши тўғрисидаги таклифларига розилик берилсин.

Сурхондарё вилояти ҳокимлиги ва Ўзбекистон Республикаси Олий ва ўрта махсус таълим вазирлиги мазкур бандда кўрсатилган бино ва иншоотларнинг белгиланган тартибда қабул қилиниши ва топширилишини таъминласин.

8. Ўзбекистон Республикаси Инвестициялар бўйича давлат қўмитаси манфаатдор вазирлик ва идоралар билан биргаликда Олий ва ўрта маҳсус таълим вазирлигининг асосланган ҳисоб-китобларига биноан Ўзбекистон Республикасининг ривожланиш давлат дастурининг 2019 йил ва кейинги йиллар учун параметрларини шакллантиришда Филиалнинг бино ва иншоотларини реконструкция қилиш, капитал таъмирлаш ҳамда жиҳозлаш лойиҳаларини белгиланган тартибда киритилишини таъминласин.

9. Белгилаб қўйилсинки:

Филиални сақлаш харажатлари 2018 йилда “Маориф” соҳаси бўйича тасдиқланган бюджет параметрлари доирасида, 2019 йилдан бошлаб эса мазкур соҳага ҳар йили ажратиладиган маблағлар доирасида амалга оширилади;

Филиалнинг дастлабки фаолиятини йўлга қўйиш билан боғлиқ харажатлар Термиз давлат университетининг бюджетдан ташқари, ўқитишининг контракт шаклидан тушадиган маблағлари ҳисобидан қопланади.

10. Кўйидагилар Филиалнинг фаолиятини молиялаштириш манбалари этиб белгилансин:

Ўзбекистон Республикаси Давлат бюджети маблағлари;

тўлов-контракт асосида ўқитищдан тушадиган маблағлар;

хўжалик фаолиятидан ва шартнома асосида хизматлар кўрсатищдан тушадиган тушумлар;

жисмоний ва юридик шахсларнинг ҳомийлик хайриялари ва мақсадли бадаллари;

халқаро молия ташкилотларининг грантлари;

қонун ҳужжатларида тақиқланмаган бошқа манбалар.

11. Филиалга 2 та, шу жумладан 1 та хизмат ва 1 та маҳсус енгил автотранспорт воситасини сақлашга лимит ажратилсин.

12. Ўзбекистон Республикаси Олий ва ўрта маҳсус таълим вазирлиги Ахборот технологиялари ва коммуникацияларини ривожлантириш вазирлиги билан биргаликда бир ҳафта муддатда Филиални онлайн маъруза ҳамда масофавий таълим учун телекоммуникация жиҳозлари ва инфратузилмаси билан таъминлаш, шунингдек, юқори тезлиқдаги интернет ҳамда электрон таълим миллий тармоғига улаш чораларини кўриш юзасидан чора-тадбирлар режасини ишлаб чиқсин ва тасдиқласин.

13. Сурхондарё вилояти ҳокимлиги республика олий таълим муассасаларидан Филиалга фаолият юритиш учун таклиф этилган профессор-ўқитувчиларни уй-жой билан таъминлаш, узоқ муддатли, имтиёзли ипотека кредитларини ажратиш чораларини кўрсинг.

14. Ўзбекистон Республикаси Олий ва ўрта маҳсус таълим вазирлиги манфаатдор вазирлик ва идоралар билан биргаликда қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида Ўзбекистон Республикаси Вазирлар Маҳкамасига бир ой муддатда таклифлар киритсин.

15. Мазкур қарорнинг ижросини назорат қилиш Ўзбекистон Республикаси
Бош вазирининг ўринbosари Қ.В. Акмалов, Олий ва ўрта маҳсус таълим вазири
И.У. Маджидов ва Сурхондарё вилояти ҳокими Э.О. Турдимов зиммасига
юклансин.

Ўзбекистон Республикасининг
Бош вазири




А. Арипов



Вазирлар Маҳкамасининг
2018 йил “5” марта ГИЛ-сон қарорига
илова

Термиз давлат университети Денов филиалининг ТУЗИЛМАСИ



Филиал (факультетлар, кафедралар ва бошка таркибий бўлинмалар) ходимларининг чекланган умумий сони олий таълим муассасалари учун ўрнатилган нормативларга мувофиқ аниқланади.